

«БЕКІТЕМІН»:

ДпҚББДОҒӘ «Дарын»

орталығының директоры

С.Оспанова

« 4 »

қыркүйек

2024 ж



Ауыл мектептерінің оқушыларына арналған жалпы білім беретін пәндер бойынша республикалық олимпиаданың үшінші (облыстық) кезеңін ұйымдастыру және өткізу ережесі

1. Жалпы ереже

1. Ауыл мектептерінің оқушылары үшін жалпы білім беретін пәндер бойынша республикалық олимпиаданың **үшінші (облыстық) кезеңін** (бұдан әрі-Олимпиада) ұйымдастыру және өткізу жөніндегі осы ереже олимпиаданың мақсаттары мен міндеттерін, ұйымдастырушылық-әдістемелік қамтамасыз етуін, өткізу және қаржыландыру тәртібін, Олимпиадаға қатысуды және жеңімпаздарды анықтауды айқындайды.

2. Олимпиада ауылдық жерлердегі мектептерде талантты жастарды анықтау және қолдау бойынша қолайлы жағдайлар жасау мақсатында Қазақстан Республикасы Оқу-ағарту министрінің тапсырмасы шеңберінде өткізіледі.

3. Олимпиадаға Қазақстан Республикасының ауылдық мектептерінде **соңғы екі оқу жылында оқитын 9-11 сынып** оқушылары қатысады.

4. Қатысушылар бірнеше жыл қатарынан олимпиадаға қатысуға құқылы.

2.Олимпиаданың мақсаттары мен міндеттері

5. Олимпиаданың мақсаты- Қазақстан Республикасының ауылдық жерлердегі мектеп оқушыларының дарындылығы мен қабілеттерін анықтау және қолдау үшін оңтайлы жағдайлар жасау, неғұрлым академиялық қаблетті оқушыларды іріктеу, олардың одан әрі зияткерлік дамуы мен кәсіби бағдарлануы.

6. Олимпиаданың міндеттері:

1) ауылдық мектеп оқушыларының теориялық білімі мен практикалық дағдыларын тереңдету;

2) ауылдық білім беру ұйымдарындағы дарынды балаларды анықтау үшін жағдайлар жасау;

3) Абай облысының білім басқармасы Дарындылық пен қосымша білім беруді дамытудың облыстық ғылыми-әдістемелік «Дарын» (бұдан әрі - «Дарын»

орталығы) орталығы оқу –жаттығу жиындарына қабылдау және одан әрі оқыту арқылы ауылдық жердегі мектептердің жоғары сынып оқушыларын республикалық және халықаралық деңгейдегі олимпиадаларға қатысуға іріктеу және даярлау.

3. Олимпиаданы өткізуді ұйымдастыру

7. Абай облысы білім басқармасының Дарындылық пен қосымша білім беруді дамытудың облыстық ғылыми-әдістемелік «Дарын» орталығы олимпиаданың үшінші (облыстық) кезеңін ұйымдастыру және өткізу үшін қажетті ұйымдастырушылық және ақпараттық-технологиялық қамтамасыз етуді жүргізеді.

8. Олимпиаданың алғашқы үш кезеңін ұйымдастыру органы болып облыстық білім басқармасы болып табылады. Жергілікті басқару органдары олимпиаданың ұйымдастыру комитетімен келісім бойынша өңірлік комиссиялар құруға құқылы.

9. Олимпиаданың ұйымдастыру комитетінің функциялары:

- 1) олимпиаданы дайындауға және өткізуге тікелей басшылық жасау;
- 2) олимпиаданың барлық кезеңдерінде оқушыларды объективті іріктеудің сақталуын бақылауды жүзеге асыру;
- 3) Өңірлік бұқаралық ақпарат құралдарында, Абай облысы білім басқармасының сайтында және «Дарын» РҒПО-на олимпиада қорытындылары туралы ақпарат беру.

10 Олимпиада төрт кезеңде өткізіледі:

бірінші кезең (бастапқы) - қыркүйек айы;

екінші (аудандық) - қазан айы;

үшінші (облыстық) - қараша айы;

төртінші (республикалық) – ағымдағы жылдың желтоқсан айы.

11. I (бастапқы кезеңге) ауылдық жерде орналасқан мамандандырылған білім беру ұйымдарынан басқа, ауылдық жердегі мектептердің 9-11 (12) сыныптарында оқитын барлық ниет білдірушілер қатысады.

I кезең онлайн-платформада өтеді, оған қатысу үшін Олимпиадаға қатысушылар онлайн-платформада дербес компьютер арқылы тіркеуден өтуі тиіс.

12. I кезең мектептерде аудандық білім бөлімдерінің басшылығымен өткізіледі. Бастапқы кезеңді ұйымдастыру және өткізу үшін білім беруді басқару органдары ұйымдастыру комитетін құрады және бекітеді.

13. Олимпиаданың I кезеңінің қатысушылары ережені сақтай отырып, тұрақты интернет байланысы желісіне қосылған дербес компьютерлермен (бұдан

әрі - ДК) жабдықталған орындарда онлайн платформада **тестілеуден тек бір рет** өтуі тиіс: 1 парта -1 қатысушы – 1 компьютер.

14. I кезеңнің қорытындысы бойынша аудандағы жалпы қатысушылардың ең жоғары балл жинаған **90 оқушы** (30 оқушы әр пән, әр сынып бойынша) олимпиаданың II кезеңіне қатысуға жіберілетін болады. I кезең қорытындысы бойынша іріктелген оқушылардың тізімін олимпиаданың ұйымдастыру комитеті бекітеді және ұйымдастыру комитетінің ресми ресурсында жарияланады.

Тест нәтижесін «Дарын» РҒПО ұсынады.

15. Іріктелген оқушылар бекітілген тізімге сәйкес олимпиаданың II кезеңіне жіберіледі.

16. II кезең (аудандық) – аудандық білім басқармасының органдары аудан орталықтарында өткізеді. Аудандық кезеңді ұйымдастыру және өткізу үшін білім беруді басқару органдары ұйымдастыру комитетін құрады және бекітеді.

17. Олимпиаданың II кезеңінің қатысушылары ережені сақтай отырып, тұрақты интернет байланысы желісіне ДК жабдықталған орындарда онлайн платформада тестілеуден тек бір рет өтуі тиіс: 1 парта – 1 қатысушы – 1 компьютер.

18. II кезеңнің қорытындысы бойынша аудандағы жалпы қатысушылардың ең жоғары балл жинаған 60 оқушы (20 оқушы әр пән, әр сынып бойынша) III кезеңге қатысуға жіберілетін болады.

19. II кезең қорытындысы бойынша іріктелген оқушылардың тізімін олимпиаданың ұйымдастыру комитеті бекітеді және ұйымдастыру комитетінің ресми ресурсында жарияланады.

Тест нәтижесін «Дарын» РҒПО ұсынады.

Іріктелген оқушылар бекітілген тізімге сәйкес олимпиаданың III кезеңіне жіберіледі.

20. III кезеңді облыстық білім басқармалары облыс орталықтарында өткізеді. Облыстық кезеңін ұйымдастыру және өткізу үшін Абай облысының білім басқармасы ұйымдастыру комитетін құрады және бекітеді.

21. Қатысушылар II турдан тұратын дәстүрлі олимпиадалық тапсырмаларды орындауы қажет.

22. Олимпиаданың IV республикалық кезеңіне III кезеңнің жеңімпаздары (нәтижелерге сәйкес, әр пән мен сынып бойынша екіден артық емес) қатысады:

- жаратылыстану-математикалық бағыт пәндері бойынша 9-11 (12) сынып оқушылары;

- қоғамдық-гуманитарлық бағыт пәндері бойынша 10-11 (12) сынып оқушылары.

23. Аталмыш олимпиаданың өткен жылғы жеңімпаздары, биылғы олимпиаданың республикалық кезеңіне (қатысқан пәні бойынша) конкурстан тыс қатыса алады. Ескерту: олимпиаданың барлық кезеңдеріне қатысу міндетті.

24. Облыстық білім басқармалары ІІІ кезеңнің қорытындысы бойынша квотаны сақтай отырып, «Дарын» РҒПО-на өтінім береді.

25. Оқушылардың жұмысын тексері, бағалау, әр пән бойынша тапсырмаларды талқылау, түсіндіру, апелляциялар өткізу және Олимпиаданың ІІ және ІІІ кезеңдерінің қорытындысын шығару үшін ұйымдастыру комитеті қазылар алқасының құрамын бекітеді.

Олимпиаданың қазылар алқасының құрамына жоғары оқу орындарының оқытушылары, әдіскерлер, оқушылары Олимпиадаға қатыспайтын жоғары біліктілік санаттары бар мұғалімдер, сондай-ақ республикалық және халықаралық олимпиадалардың жеңімпаздары мен жүлдегерлері кіруі мүмкін. Қатысушылардың санына байланысты қазылар алқасы мүшелерінің құрамы так санды құрайды (кемінде 3 адам).

4.Олимпиаданы ұйымдастыру және өткізу тәртібі

26. Олимпиаданың кезеңдерінің мерзімдері мен тізбесін жыл сайын «Дарын» республикалық ғылыми-практикалық орталығы белгілейді.

27. Олимпиаданың барлық кезеңдерінің тапсырмаларын Республикалық әдістемелік кеңес (бұдан әрі –Олимпиаданың әдістемелік кеңесі) жалпы орта білім беру бағдарламалары бойынша дайындайды және «Дарын» РҒПО бекітеді.

28. Олимпиаданың әр кезеңінің қорытындысын облыстық білім басқармалары «Дарын» РҒПО-ға әр пән мен сынып және оқу тілдері бойынша қатысушылар санын көрсете отырып, есептер жібереді.

29. Барлық кезеңнің тапсырмалары «Дарын» РҒПО бекіткен әдістемелік ұсынымдарға сәйкес өлшемдер мен критерийлер бойынша бағаланады.

30. Тиісті білім деңгейі бар қатысушыларға жоғары сынып бағдарламалары бойынша олимпиадаға қатысуға рұқсат етіледі (мысалы: 7-8 сынып оқушылары 9, 10-11 сыныптың бағдарламасы бойынша қатыса алады).

5. Қатысушылар мен жеңімпаздарды марапаттау және пост-сүйемелдеу

31. І кезеңнің барлық қатысушыларына қатысқаны туралы сертификат беріледі (жеке кабинеттен жүктеледі).

32. ІІ кезеңнің жүлдегерлері аудандық білім бөлімдерінің дипломдарымен және грамоталарымен марапатталады.

33. ІІІ кезеңнің жүлдегерлері Абай облысы білім басқармасының дипломдарымен және грамоталарымен марапатталады.

34. Олимпиаданың соңғы кезеңінің жүлдегерлері Қазақстан Республикасы Оқу-ағарту министірлігінің және «Дарын» РҒПО дипломдарымен, грамоталармен марапатталады.

35. Олимпиаданың IV республикалық кезеңіндегі жүлдегерлер саны әр пән мен сынып бойынша қатысушылардың жалпы санының 45 % құрайды.

36. Олимпиаданың IV республикалық кезеңіндегі I, II және III дәрежелі дипломдардың саны келесі пропорцияны негізге ала отырып айқындалады: жүлдегер санының 50% - ы III дәрежелі дипломдармен, 30% - ы II дәрежелі дипломдармен, 20% - ы I дәрежелі дипломдармен марапатталады.

6. Ауылдық мектептерінің оқушыларына арналған жалпы білім беретін пәндер бойынша республикалық олимпиада пәндерінің тізбесі

Жаратылыстану-математикалық бағыт

1. Биология
2. География
3. Информатика
4. Математика
5. Физика
6. Химия

Қоғамдық-гуманитарлық бағыт:

1. Ағылшын тілі
2. Қазақ тілінде оқытатын мектептердегі орыс тілі
3. Қазақ тілі мен әдебиеті
4. Қазақстан тарихы
5. Құқық негіздері
6. Орыс тілінде оқытатын мектептердегі қазақ тілі
7. Орыс тілі мен әдебиеті